

TXOJ PHIAJ XWM KEV KAWM NTAWM TSEV RAU QIB PRE-K

Cov tub ntxhais kawm qib Pre-K yuav tsum tau koom hauv ntau yam kev kawm thaum nyob ntawm tsev. Nws yog ib qhov tseem ceeb rau cov tsev neeg los nyeem thiab tham nrog lawv cov me nyuam kawm qib Pre-K. Thov siv cov cuab yeej hauv qab no txhawm rau los txhawb kev kawm txuas ntxiv nrog peb cov tub ntxhais kawm hnuv nyooq yau tshaj plaws:

- Qib [Pre-K Pob Ntawv Zaj Lus Qhais](#): Cov zaj lus qhais kev nyeem ntawv txhua hnuv ntawm no suav nrog ib daim vis dis aus, ib qho kev nyeem ntawv, thiab cov kev ua ub no. Tuaj yeem mus saib cov ntawv ntawm Lub Hauv Paus Tsev Kawm Ntawv lub vev xaib thiab ntawm qhov chaw faib khoom.
- [Ready Rosie Health at Home](#): Thov kom xav txog kev saib daim vis dis aus luv-luv no txhawm rau los pab kom muaj kev noj qab haus huv hauv tsev. Qhov txuas (link) no suav nrog cov vis dis aus luv uas piav txog kev ntxuav tes kom huv rau cov me nyuam thiab seb thaum twg cov niam txiv tsim nyog tau coj cov me nyuam mus ntsib kws kho mob.
- [ABCmouse.com](#) muab lawv cov zaj lus qhais hauv ntau yam kawm sib txhawv xws li kawm lej, kawm txog kev tshawb fawb thiab kev kawm txuj ci ywj siab, ua tsaug rau lub koom haum UNICEF. Txhuas yam koj yuav tsum ua txhuas yog mus saib hauv [ABCmouse.com/redeem](#) thiab ntaus tus qhoj (code) "AOFLUNICEF" rau.
- [Scholastic Learn at Home](#) kuj tseem muab lawv cov zaj lus qhia kawm dawb. Koj tuaj yeem xaiv cov kev kawm nyob hauv qib kawm ntawm qib PreK thiab qib 6+. Cov no suav nrog cov phau ntawv e-books kom cov me nyuam yaus tuaj yeem nyeem tau, thiab kev kawm nyob hauv vis dis aus ntawm lawv qhov "Kev Saib thiab kawm ntawm Lub Chaw Qiv Ntawv."
- Kev Kawm Ntawm Sib Nrug Deb Ntawm Cov Me Nyuam Yaus Tsis Tau Pib Kawm Ntawv Txhua Lub Lim Tiam yog ib qho kev kawm txuas DPSCD hauv online rau cov me nyuam kawm ntawv qib Pre-K txhawm rau kom kev kawm muaj txiaj ntsig kev paub ntau yam thaum nyob ntawm tsev

Commented [NE1]: Link to where the lesson packets will be.

Commented [NE2]: What should this link to?

**Lub Sij
Hawm
ntawm
Hnuv**

Txoj Num

Cov Lus Qhia

7:30-9:00

Noj Tshais thiab ua si ywj siab

Noj mov thiab npaj kom txhij tib yam li tias koj tus me nyuam tseem mus kawm ntawv zoo li ib txwm.

9:00-9:10 Rau Siab Rau Qhov Kev Kawm

Qhia koj tus me nyuam txog yam uas koj yuav ua rau ntu tom ntej ntawm koj hnuv. Cia kom muaj kev tshawb kawm cov duab dhos ua si, cov phau ntawv, phau ntawv ceev xwm txheej thiab cov khoom ua si me. Kom lawv xyaum sau lawv lub npe txhua hnuv. Pab lawv nrog qhov no thaum pib los ntawv kev siv tus qauv tab sis maj mam tso lawv muaj kev tswj hwm tag nrho. Siv cov xaum xim (crayons), siv cov cwj mem, mem loj, xaum, kob pleev xim thiab lwm yam. Muab sib xyaws!

9:10-9:20 Saib Daim Vis Dis Aus Zaj Lus Qhia Nyeem Ntawv Txhua Hnuv

Saib cov vis dis aus zaj lus qhia nrog koj cov me nyuam hauv www.detroitk12.org/youtube.

9:20-10:10 Saib Zaj Lus Qhia Nyeem Ntawv (los ntawm qib Pre-K Phau Ntawv Zaj Lus Qhia)

Ua kom tiav cov hauj lwm Nyeem Ntawv, Xav, Tham, Ua, thiab Kev Kaw uas tau teev tseg nyob hauv zaj lus qhia.

10:10-10:25 Lub Sij Hawm Ua Kev Xaiv

Nov yog lub sij hawm uas koj tso cai rau koj tus me nyuam los txiav txim yam khoom ua si twg lawv xav ua nrog. Tso cai rau lawv ua dab tsi los xij peem raw qhov lawv nyiam, yam uas lawv nyiam (tsuav yog nws nyab xeeb). Tab sis nov yog lub sij hawm uas koj **nrog** lawv ua si. Ua raws qhov lawv coj, koom rau hauv, ua khub rau lawv qhov kev ua si. Tsis tas yuav tswj hwm dab tsi. Nrog lawv ua si. Tom qab ntawv tham txog qhov neb tau ua thiab yam uas neb lom zem. Nws yog lub sij hawm ua kev thiab yog lub sij hawm kev kawm.

10:25-10:40 Tu Kom Huv, Kev Ntxuav Tes thiab Noj Khoom Txom Ncauj

Koj *thiab* koj cov me nyuam yuav tsum tau tu kom huv ua ke, khaw cia cov khoom rau qhov chaw uas lawv ib txwm nyob.

Nov yog ib lub sij hawm zoo rau rov qhia koj tus me nyuam kom txhawj ntxuav tes thiab qhov tseem ceeb ntawm cov kev coj ua noj qab nyob zoo. Thaum neb noj ncauj, tham nrog koj tus me nyuam. Cia lawv coj qhov kev sib tham thiab uas qauv zoo rau kev mloog thiab cov txheej txheem sib tham.

10:40-11:00 Lub Sij Hawm Qhia Yam Rau Siab Mloog

Lub sij hawm no koj yuav xaiv ib qhov kev nyeem ntawv los sis kev ua lej.

11:00-11:30 Lub Sij Hawm Sab Nraum Zoov/Kev Siv Lub Cev

Lub sij hawm no tswj tseg rau kev txav mus los. Zoo tshaj mas nyob rau sab nraum zoo yog cov xwm txheej huab cua zoo: Khiav, dhia, tuam tsheb kauj vab, pov khoom, txhom – dab tsi los xij peem tsuav koj tus me nyuam tau txav mus los. Yog mus sab nrauv tsis yog qhov kev xaiv, sim nrhiav qhov chaw hauv koj lub tsev qhov chaw uas koj tus me nyuam tuaj yeem txav tau. Tej zaum koj yuav tsum tau tshem koj cov rooj tog rau ob sab kom qhov chaw muaj kev nyab xeeb.

11:30-11:50 Nyeem – kom nrov

Nyeem!! Siv cov phau ntawv koj muaj hauv tsev. Kuj tseem muaj cov ntawv uas koj tuaj yeem tau los sis saib dawb hauv youtube los sis muaj peev txheej hauv online. Nco ntsoov tham txog qhov uas neb tau nyeem thiab cuam tshuam nrog cov ntaub ntawv. Nqis tes ua. Siv cov me nyuam roj hmab thiab cov kev nqis tes ua uas koj muaj nyob hauv tsev kom rov qhia zaj dab neeg. Sau los sis kos duab txog nws hauv koj phau ntawv ceev xwm txheej. Feem ntau – LOM ZEM nrog zaj dab neegkom ntau li ntau tau.

11:50-12:05 Lub Sij Hawm Qhia Yam Rau Siab Mloog Ntu 2 Lub sij hawm no koj yuav xaiv ib qhov kev nyeem ntawv los sis kev ua lej.

12:05-12:30 Lub Sij Hawm Hu Nkauj thiab Kev Txav Mus Los Nov yog ib lub sij hawm rau hu nkauj thiab kev seev cev. Cia koj tus me nyuam ua tus coj thiab txav raws li lawv xaiv. Tej zaum koj tus me nyuam tuaj nyeem qhia koj qee zaj nkauj uas lawv tau kawm hauv tsev kawm ntawv. Tso kom ntau zaj nkauj kom koj pom tias koj tuaj yeem hus tau pes tsawg zaj nkauj.

12:30-1:00 Noj Sus thiab Kev Rov Ntsuam Xyuas Yam Tau Kawm ntawm Hnub Ntawv Nrog koj cov me nyuam tham txog yam neb tau ua nyob rau hauv hnub ntawd. Yam uas neb lom zem ntawm hnub ntawd thiab yam uas koj xav paub rau tag kis. Cov ntaub ntawv no tej zaum yuav pab tau koj kev xaiv yam kev ua ub no rau lwm lub sij hawm kev qhia yam rau siab mloog.